

Na osnovu člana 16. stav (4). Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10), a u vezi sa članom 139. stav (1). Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13), razmatrajući Amandman IV Kluba poslanika DF-a u Skupštini Zeničko-dobojskog kantona na prijedlog Zakona o osnovnoj školi, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 133. sjednici, održanoj dana 22.02.2018. godine, d o n o s i

ZAKLJUČAK

I.

Vlada Zeničko-dobojskog kantona ne prihvata Amandman IV Kluba poslanika DF-a u Skupštini Zeničko-dobojskog kantona na Prijedlog Zakona o osnovnoj školi.

II.

Zaključak sa obrazloženjem u kome su sadržani razlozi zbog kojih se ne prihvata Amandman IV upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/18.
Datum, 22.02.2018. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo za obrazovanje,
nauku, kulturu i sport;
1x Stručna služba Vlade;
1x Stručna služba Skupštine;
1x a/a.

OBRAZLOŽENJE

I. PRAVNI OSNOV

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10) i članu 139. stav 1. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13).

II. RAZLOZI ZA DONOŠENJE

Klub poslanika DF-a u Skupštini Zeničko-dobojskog kantona podnio je Amandman IV na Prijedlog Zakona o osnovnoj školi:

U članu 31. stav (5) Prijedloga Zakona o osnovnoj školi, mijenja se i glasi:

*„Član 31.
(Nastava, nastavni sat i vannastavne aktivnosti)*

(5) Broj nastavnih sati u redovnoj osnovnoj školi u toku radne sedmice utvrđuje sa nastavnim planom i okvirnim programom, s tim da u toku dana učenici nižih razreda (I do IV) ne mogu imati više od 6 nastavnih sati dnevno, odnosno 26 nastavnih sati sedmično, a učenici viših razreda (V do IX) više od 7 nastavnih sati redovne nastave dnevno, odnosno 32 nastavna sata sedmično.“

Stoga se predlaže neprihvatanje Amandmana IV jer je u naslovu člana 31. već naveden pojam nastavni sat, kao i u stavovima (3) i (4) istog člana, te smo mišljenja da predmetni član treba posmatrati u cjelini i da je isti kao takav potpun i jasan, zbog čega smo stajališta da se predloženi amandman ne može prihvatiti.